

# ELECCIONS ENTATH PARLAMENT DE CATALONHA 2021

OFICINA DETH CENS ELECTORAU

SOLLICITUD DE VÒT PER CORRÈU D'ELECTORS TEMPORAUMENTS EN ESTRANGÈR, HUELHA AUXILIARA

Er imprès qu'acompanhe aguesta huelha auxiliara ei eth modèl de sollicitud qu'er elector a d'aumplir entà demanar ena Delegacion dera Oficina deth Cens Electoralu corresponenta, era documentacion entà exercir eth sòn dret de sufragi per corrèu en estrangèr enes eleccions qu'auràn lòc eth pròplèu 14 de hereuèr de 2021.

Qui pòt emplegar eth procediment de votacion entàs electors que se tròben temporaument en estrangèr?

Poderàn votar mejançant aguest procediment es electors que se tròben temporauments dehòra deth territòri estatau, un còp amiada era convocatòria des eleccions e que preveiguen que demoraràn en aguesta situacion enquiath dia dera votacion e que, ath delà, figuren inscrit en Registre de matricula consular coma non residents.

**Ua còp hèta era sollicitud deth vòt per corrèu, non se pòt votar personaument.**

## Procediment de votacion

### Sollicitud

Er imprès dera sollicitud pòt recuelher-se enes burèus consulars de carrèra o seccions consulares d'ambaishada, o descargar-se telematicaments en web electorau [parlament2021.cat](http://parlament2021.cat) en web [exteriores.gob.es](http://exteriores.gob.es)

Era sollicitud la cau adreçar ara Delegacion deth Burèu deth Cens Electoralu dera província a on er elector/a figure inscrit/a en cens electorau.

### Lòc de presentacion

Era sollicitud ramplida e signada la **cau liurar personaument en Burèu Consular de Carrèra o Seccion Consulara d'Ambaishada**. Eth/era funcionari/ària consular/a exigirà ar elector/a era exhibicion deth document nacionau d'identitat o passapòrt e verificarà era sua inscripcion en Registre de matricula consular coma non resident, atau coma era coincidència dera signatura.

Eth Burèu Consular de Carrèra o Seccion Consulara d'Ambaishada remeterà era sollicitud de manèra immediata tara Delegacion Provincial deth Burèu deth Cens Electoralu corresponent

### Tèrme entà sollicitar eth vòt per corrèu

Se pòt sollicitar a compdar dera data de convocatòria e **enquiath 16 de gèr de 2021**.

Maugrat açò, se recomane formular era peticion tan lèu coma sigue possible.

### Trametuda dera documentacion entath vòt per còrreu

Era Delegacion Provincial deth Burèu deth Cens Electoralu corresponenta iniciarà era remetuda dera documentacion electorau eth 19 de gèr de 2021. Era remetuda se harà en domicili en estrangèr indicat ena sollicitud e a nòm dera persona sollicitanta.

Eth justificant de recepcion acreditatiu d'auer rebut era documentacion nomentada l'a de signar personaument era persona sollicitanta despús d'acreditar era sua identitat.

### Tèrme entara remetuda deth vòt per corrèu

Auetz de reméter eth vòt per corrèu certificat **non mès tard deth 10 de hereuèr de 2021**.